

Ҳажнинг одоб ва суннатлари | Фикҳ дарслари (356-дарс)



19:00 / 05.12.2025 791

بَيَّطَتْ وَنِيَّ رَهْطًا أَرَاوًا وَإِرْسَابًا وَبَحَّحَ الْوَسْعُ وَأَضَوَّتْ حِلَابُ مَرْحِإِءَاشٍ نَمَوَّ
أَعْفَشَ لَصَوَّ

Ким ҳажга эҳром боғлашни ирода қилса, таҳорат қилади. Ғусл қилиш маҳбубдир. Сўнгра покиза ридо ва изор кияди, хушбўй суртади ва икки рақъат намоз ўқийди.

Эҳромга кирмоқчи бўлган одамнинг ғусл қилиши суннатдир.

لَسَتْ غَاوٌ هَلْ أَلْهَالَ دَرَجَاتٍ مَّ لَسَوَّ هَلْ لَ L
يَذُمَّرَّتْ لَ هَاوَرَّ

Зайд ибн Собит розияллоху анҳудан ривоят қилинади:

«Набий соллаллоҳу алайҳи васалламнинг эҳром учун кийимларидан холи бўлганларини ва ғусл қилганларини кўрдим».

Термизий ривоят қилган.

نَمَّ مَلَسَ وَهِيَ لَعْلَعُ هَلَلِ الْيَصْبِيَّ لَلْقَلَطَانِ لِقَاقٍ، أَمَّ هُنَّ عُلُجَلِ الْيَضْرَبِ سَابَعِ نَبِإِ نَعِ
نَمَّ عَيْشُ نَعَّ هُنَّ مَلَفٌ، هُءِ أَخْصَأُ وَهُوَ هَادِرٌ رَازِ سَبَلِ وَنَدَاوَلَّجَزَتْ أَمَّ دَعَبِ نَعِ دَمَلِ
يُرَاحُ بَلِّ هَاوَرٍ دَلَجَلِ لَعَّ دَرَّتْ يَتَلَّ رَفَعُ زَمَلِ الْإِسْبَلُ تَرُزُّ أَلِوَةِ دُرَّالِ

Ибн Аббос розияллоҳу анҳумодан ривоят қилинади:

«Набий соллаллоҳу алайҳи васаллам сочларини тараб, мойлаб, изор ва ридоларини кийганларидан кейин асҳоблари билан бирга Мадинадан йўлга чиқдилар. Баданга ранги чиқадиган, заъфарон билан бўялган кийимлардан бошқа ридо ва изор қилиб кийиладиган бирон нарсадан қайтармадилар».

Бухорий ривоят қилган.

Изор – ҳаж ёки умрани ният қилган эркак киши киндигидан пастига боғлаб оладиган эҳром кийими.

Ридо – ҳаж ёки умрани ният қилган эркак киши киндигидан юқорисини тўшиш учун елкасидан ташлаб оладиган эҳром кийими.

مَلَسَ وَهِيَ لَعْلَعُ هَلَلِ الْيَصْبِيَّ لَلْقَلَطَانِ لِقَاقٍ، أَمَّ هُنَّ عُلُجَلِ الْيَضْرَبِ سَابَعِ نَبِإِ نَعِ
دَوَادُ وَبَأُ وَيُرَاحُ بَلِّ هَاوَرٍ تَبَّ لِبَابِ فَوْطِي نَأَلْبَقِ هَلِ الْجَالِ وَنَمَّ خِي نَأَلْبَقِ هَمَّ الْجَالِ
هَلَلِ الْيَضْرَبِ قَرَفَمَ يَفِكُ سَمَلِ صَبِ وَ يَلِ الْرُطْنِ أَيْ نَأَكُ: تَلَّاقٍ: أَمَّ هَلِ طَفَلِ يَفِ وَ
نَمَّ وَهُوَ مَلَسَ وَهِيَ لَعْلَعُ هَلَلِ الْيَصْبِيَّ

Оиша розияллоҳу анҳодан ривоят қилинади:

«Расулуллоҳ соллаллоҳу алайҳи васалламга эҳром учун эҳромга киришларидан олдин ва эҳромдан чиқишлари учун Байтни тавоф қилишларидан олдин хушбўй суртар эдим».

Бухорий ва Абу Довуд ривоят қилишган.

Бошқа бир ривоятда:

«Мен худди Расулуллоҳ соллаллоҳу алайҳи васалламнинг эҳромдалик чоғларида фарқларидаги мискнинг ялтирашига назар солиб тургандекман», зиёда қилинган.

Бу ҳадиси шарифдан Набий соллаллоҳу алайҳи васалламнинг эҳромга киришдан олдин хушбўй суртганлари ва эҳромдан чиқишлари билан ҳам шу ишни қилганларини англаб оламиз.

مَرَحًا مُثْنِيَةً فَجُلُّوا يَذِبُ لِيَصَّ مَلَسَ وَهِيَ لَعْلَلُ لِيَصَّ هُنَّ أَنْ: أَخِي شَلَا وَيَوْر

Имом Бухорий ва Муслим ривоят қилган ҳадисда:

«У зот соллаллоҳу алайҳи васаллам Зул-Ҳулайфада икки рақъат намоз ўқиб, сўнгра эҳром боғладилар», дейилган.

Мазкур намознинг биринчи рақъатида Каафируун сурасини, иккинчи рақъатида Ихлос сурасини зам қилиш ҳам суннатдир. Мазкур намоздан сўнг дуо ўқиб, ҳажга ният қилади.

«Кифоя» китобининг иккинчи жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2022 йил 5 октябрдаги 03-07/7013-рақамли хулосаси асосида чоп этилган.